

حبيبتى حريبتى

وائل السيد سويدان

رقم الإيداع

٢٠٠٥ / ٢٢٤٦٢

obeikandi.com

الإهداء

كلام مش ف سرك بأدوب فيكى دوب
وما عرفشى حبي فى هواكى الغروب
ومهما ها أقولك وأعيد لك .. نهايته
خدى العمر مهرك وأنا مش ها اتوب

الباحث عن الحب
وائل سويدان

obeikandi.com

حبيبتى حرىتى

حبيبتى حرىتى . حقيقى وحشانى ..
ما قابلتكىش من زمن ما قابلتنىش تانى

* * *

يا حبيبتى حرىتى

أنا خفت أكون مسكنك
شورىانى يوم يسـجـنك
بأمر قلبى الملك
ما تخرجىش تانى إلا لأحضانى

* * *

يا حبيبتى حرىتى

سبتك لىموج البحر
ولنور خىوط الفجر
لكن ها أقولك سر
مش لاقى إنسانى

* * *

حكايات تجيب حكايات

وحاجات ف قلب حاجات

وأكيد فيه شئ لو مات
هاكون أنا الجانى

يا حبيبتى حرىتى

لو كتى فين هألحقك
يا خدوكى منى أسرقك
نفسى تكون باعششك
غنوه على لسانى

عودى يا حرىتى

عودى لإنسانى

* * *

جنون

عجبك كلامي ع الورق ونسيتي

إني وره كل الكلام مسجون

إيش حال بقى لو قلتي حبيتي

هاكتب كلام ما بيتقراش بعيون

* * *

إنتهدي هأسرح مع إحساسك

وأكتب كلام يشبه دفا أنفاسك

إحمسي هأبقه في نفس حماسك

من يوم ما شفتك بس صابني جنون

* * *

الحسن جامع والجمال ممنوع

وأنا لسه طامع بس طمعي خشوع

حتى في صمتك شيء جميل مسموع

يمنعني حتى إني أفكر أخون

* * *

أنا الملك وف إيدك انتي التاج

شفتي الملك بقه قد إيه محتاج

كان قلبي قبلك صلب زي العاج
أما إنهار دا فقلبي طفل حنون

إيش حال بقه لو قلتي حبيبتى
هاكتب كلام ما يتقرىش بعيون

* * *

دو، ری، می

دو . ری . می . فاصول

ما بیکملش السلام

دایما عند الصول

یا حبیبتی بتالم

* * *

بفتکرتک ف حیدیک

وبیض غط علی یدک

وعلی الجلد صدیدک

والکریاج بیعلم

* * *

والصول من تغفیله

فاکرتک هتغنیله

إمتته تردی جمیله

وما یعرفش یسلم

* * *

الصول حیک حبسک

وحجب عنک شمسک

وإن سلمت لي أسك
عمر الصول ما هي فهم

* * *

إتمردى على صولك
ف مدارسك وفصولك
عائز أسمع قولك
عائز أرجع احلم

* * *

خدي كلمة حريه
حطيه هاف أغنيه
خلي اللحظه الجايه
الأجمل والأنعم
دو . ري . مي . فاصول
مبا بيكملش السلم

* * *

إشارة مرور

إشارة المرور الوحيدده بعينه

يمكن تكون خيال أو سراب

وحاجه جوانا غريبه وعينه

عايزه تحقق شيء ولو كذاب

* * *

يا شمسي ليه عدتي ما بتدفيش

تكونيش نسييتي إننا بنعيش

كسر الجروب فيكي أمانيكي

والا حاولتي وبرضه ما وصلتيش

* * *

إنتي بتتكسري وإحنا بتتحسر

وفينا بتفكري وفيكي بنفكر

ساكنين دواير دايره حولينا

ونفسنا حلمنا لو مره يتفسر

* * *

فين لمة الأصحاب وفين همه

وفين قلوب رقصت بها النغمه

إغسل يا بحر دفانا جوانا
جوانا بدأت تعزف الضلمه

* * *

يا صحبة الشمس اللي كانت أمس
ما تسلميشي ولا تغرقيش في اليأس
نقدر نقرب مهما كان البعد
ما دُمنّا لسه ببعضنا بنحس
رغم الإشارة الوحيدة البعيده

* * *

وأبدل

على بسكلتة حبك المشبوه

رفضت أبدل جلدي وأبدل

إزاي أحبك وإنتي لابسه مايوه

وكان نسيج جلبيتك أجمل

* * *

مين اللي ذلك تقلعي البرقع

وتسيبي كل الناس دي تتمتع

ما اقدرش أشوف حلمي بيتقطع

وللشيطان يركع ويتوسل

* * *

سبناكي وألا نكرتي عشرتنا

كارهنا والا كرهتي دمعتنا

وحياة ما كانت بينا جُمعتنا

إيه اللي خليّ الشمس ترمل

* * *

شيطان دعاكي تدخلي الحانه

وقبلتي كاسه وإنتي بردانه

ليه من دفاكي بقيتي عربانه
وليه شررتي الكاس من الأول

* * *

ف إيديه توبك بس عايزك تبدئي
مديلي إيدك م الشيطان إتطلقى
هرجع حبيك قومي تاني إتذوقى
والا انتي عايزه الاحتيال يكمل

على بسكته حيك المشبوه
رفضت أبدل جلدي وأبدل

* * *

ليلة دخلتك

كل ما آجى أكلمك تديني ضهرك
تجري مني أو تخربشني ضوافرك
والمساحه الفاضيه بينا بتتملى
بنقار وشد . وتشتميني وأشد شعرك

* * *

تتجننى وتروحي أوضه نوم يعيده
أكسر عليكى الباب الأليكي وحيده
تتموتي .أخذك في حضني يا عنيده
فجأه أكتشف إنى يا دوب واقع في أسرك

* * *

وساعات بتبقي طيبه وساعات حويطه
وأحترار أنا أضرب دماغى في أي حيطه
أنوي أفتلك القاكي مخلوقه بسيطه
خايفه ف ليلة دخلتك ما أذف عش مهرك

* * *

استحملك أخذك ونقعد في الصالون
وأدلك وأهدى نفسى بكاس لمون

وتضحكىلىي أبتسم وأقول سلامتك م الجنون
يبدأ خناقنا من جديد وما جيش آخرك

* * *

مع إني دائماً باسمعك نفسي اقنعك
إني كمان زيك وقادر أخدعك
هتقولي إيه وأنا بكتبك لو أقطعك
أوعى تقولي إني جبان وفضحت شرك

مش كل مرة هتقدرى تدينى ضهرك

* * *

نهار مؤجل

في مساحه فاضيه على ورقه بيضه
 قعدت أصرخ مالتشي صوتي
 وكان خوفي أصبح فريضه
 خوفني وحشتى من عنكبوتي

* * *

برجلت نفسي ومسكت برجل
 رسمت شمسي على شط أجمل
 لقيتني با رسم ف نهار مؤجل
 محتاجني أجدول ديون سكوتي

* * *

بكيت لحالي علي عرض حالي
 إزاي مساحه تحبس خيالي
 وما جاش ف بالي إن اکتمالي
 هريان معايه من بطن حوتي

* * *

ناديت عليكى وخلفت ظني
 بعدتني تاني. هربتني مني

مع انى جايلك بلبس مدنى
لمحت برائتك يا حبيبتى سوطى

* * *

نفسى أشخبط من غير ما احاصرك
نفسى ف قصيده تفك أسرك
أجمل ما فيكى يا حبيبتى فجرك
وأبشع ما فيه دلوقتى موتى
ف مساحه فاضيه على ورقه بيضه

* * *

نقطة جدل

وانته ما بين دينك ودينك تعمل إيه
 أسهل سؤال باستصعبه وبأحس بيه
 وما بين قوسين إتخط كل الموجوعين
 ضميري قال : وجعك Made In U.S.A

* * *

هتربى دقن تبقى إرهابي عدل
 تحلقها تبقى حرامي لازم تعدل
 إتجن مين أو مين عقل نقطة جدل
 العقل قال : عبد الله غير عبد الجنيه

* * *

عجزت وزارة معدتي عن سد جوعي
 قامت مظاهره بين حشايه وبين ضلوعي
 أعلن وزير أمنى اعتقال كافة شموعي
 والتهمه نوري شيوعي . متدين . نزيه

* * *

المخبرين جوايه قفلّم كل باب
 ممنوع عليه أمسك قلم وأفتح كتاب

أضحك في سري وأسب لولاد الكلاب
أرجع ألوم نفسي أقول بتسب ليه؟!

* * *

وانام أشوف ف الحلم قال مخبر طخين
عمال يزود ديني ويغطيني دين
البس عباية الدين وأشمر له الإيدين
القاه يموت م الرعب وأنا بضحك عليه

* * *

وكل يوم أسألني عامل إيه في مرضي
أقيس حرارة ثورتى وأقيس ف نبضي
وأتمنى ييقه ضميري ده له بُعد مُعدي
وأكون إمام المجوعين أمام نظام U.S.A

* * *

ستائر ليلى

ف دولاب أفكاري المتلغـفـن
 بين شماعتين حلـمـي وجـبـني
 قـمـعـدـت أرتب واتمسكن
 مـش عـارـف أورت إيه لابني

* * *

تي شـيـرت نهاري المتكرمش
 جـلـابـيـة بـكره اللي إـتـدروش
 أديله كـوفـيـة ما يهـمش
 يلبسـلها لكل اللي غـصـبـني

* * *

جـرـفـتـه يومي المربوطه
 على كل دقـايـقي الموروطه
 أديله الساعه المضبوطه
 علشان يكسرـها ويخسرني

* * *

وتفوت الساعه ورا الساعه
 وأنا بين شماعة وشماعة

والبدله اللي قماشها شجاعه
بطانتها تقيله بتوجعني

* * *

أتحسّر وأنا بين هلاهيلى
أتكسّر وأشد ف حيلي
أنداره ورا ستتاير ليلي
أتعب أفكاري وتتععبني
بين شماعتين حلمي وجبني
مش عارف أورث إيه لابني

عضن

يا كل فارس عاش مالوهش حصان
يا كل شاعر مات بفعل العفن
قطعوا لسانك قوم وهاتلك لسان
حتى ولو عمرك يكون التمن

* * *

ارسم حصانك ع الورق وإركبه
ما تأدبوش بالسيف بشوق أدبه
وحذاري غيرك يغصبه ويرهبه
أو يجبره ينهار بفعل الزمن

* * *

إرسم حصانك عربي رقعته ونسخ
ما تخليهوش للخوف يا صاحبي ينخ
الخوف شيطان عمال علينا يجنح
تقبل يا صاحبي إنك تطاطي لوثن

* * *

إعرف عدوك واعترف بالذنب
عمرکش شفت حصان يخاف من كلب

العله فينا رصاصه جوه القلب
طول ما الديابه بتعوي والخوف وطن

* * *

لبست ليه بدله إنجليزي ياييه
إزاي قدر كبراج يشدك ليه؟
إبس كمان أو قوللي آخرتها إيه
يكونش حلمك يبقه خوفك كفن
يا كل فارس عاش مالهوش حصان

* * *

ف لحظه

ف لحظه جمععتني الصدف وبياه
 وشفت نفسي ف نفسي مش في مرايه
 وخفت مني خفت من سـجـني
 رغم إنني شفت السـجـن جـوايه

* * *

لقيتني باوصل ضحكتي بدمعتي
 وأداري قسوة شكوتي بصرختي
 لأنني مني إن نلت حـرـريتي
 هاكون بديت الخطوه بنهـايـة

* * *

بكييت على يوم انتهى ما رجعتش
 وناديت على بكره ما يتأخرش
 وخفت من بكره ما يتغيرش
 عنيد أنا وعنيده دنيايه

* * *

يا دنيا حلوه باشوفها إنسانه
 أعشقها تـقـلب تاني لشيطانه

غلطان فی حـقک وانـتی غـلطانـه
إزای عشقتک وانـتی نسایه

کرهت لحظه صدقی مع نفسی
لأنی ما ضحکتش علی نفسی
لکن اکید تانی هاقول نفسی
أعرف حقیقه سجنی جوایه

* * *

سندوتش

حبیبتی ف سندوتش الفول
 لقسیت الغول مبرق لی
 شوفیه. قولی إنی مش مسطول
 أو الغیلی بقیت عقلی

* * *

حبیبتی صدقی الفکره
 وإوعی تقولی مش قادرة
 یا خوفی التقییه بکره
 خرج م القدره زعق لی

* * *

تکونش القدره مهجوره
 تکونشی الفوله مأجوره
 اکید فیہ زاویه محجوره
 عن الرؤیا وعن جـهلی

* * *

بلاش جـدک ولا جـدلی
 خـدیک قطمه من فضلك

ولو سيطر على عـقلك
أكـيـد هـا أبـكـي عـلـى فـشـلـي

* * *

حـبـيـبـتـي وائـتـي مـشـلـولـه
بـلـاش تـبـكـيـلـي بـطـفـولـه
وـفـوقـي وـافـهـمـي الفـولـه
لأن الغـول مـبـرـق لـي

* * *

نادیت تاریخی الی اہلبش
یخرج بسیفہ من التابوت

* * *

حاربت وصرخت وقاومت
لقیبتنی ف الحلم إنتصرت
آمنت إنی إن یوم غفلت
ہأفـضل مُکبل بالسکوت

زی الوطن - زی البیتوت
وارجع أدور عن وطن

* * *

كشيت ملك

بعء الشاء والانتـمـاء
وقـفـت لحظه أتملك
وبكل مـعنى الكـبرياء
رفضت أقول ما أجملك

* * *

إنـتى على عرش الجـمـال
للـبـدر أقرب مـهـلال
والنـظره فـعـنيكى إيتـهـال
عـجـزت عـيـونى تشملك

* * *

إزاي شـفـايـفى هـتـعـزفك
إزاي حـروفى هـتـوصـفك
ما لقتش كلمه توصفك
إلا إني أقول كشيت ملك

* * *

حـاولت إنى أكـتب بنور
وأكـسر إـشـارات المـرور

ولما كملت السطور
لقيتني لسه في أولك

* * *

دورت عن نصر أكسبه
ضاع الكلام وأنا بأكتبه
أخر طلب أنا هاأطلبه
إديني فرصه أكملك

* * *

أعلنك إن إنتي الوحيدة
اللي هزمتيني ف قصيده
وإني معاك يا عنيده
عرفت أقول كشيت ملك

* * *

مسقط النور

في مسقط النور الوحيد اللي باقي
 زرعت إشتياقي ف شلية أمل
 ببص في مرايتي مسكت ف خناقي
 وشفت الحقيقه بكيت م الخجل

* * *

لقيتني مجرد خيال للمئاته
 برتبة مواطن لكن بإستماته
 ورغم إنكساري باموت ف الغتاته
 وأشوفني ف حلمي كمأني جبل

* * *

حبیبی یا واقفه إنتباه بالوراثه
 وفارضين عليه وعليكي الحراسه
 ما فكرش قلبك يشيل الرصاصه
 ما فكرش يقلع عباية الكسل

* * *

أنا نفسي أسيبك ونفسي أحضنك
 وخايف تجيني ف منامي أسجنك

وما أعرفش ليه من زمان بأدمنك
ولا حتى مين اللي فينا اتقتل؟!!

* * *

باحبك ومرغم ساعات أقتك
وبأكره حركتك كده بزمالك
لأن اللي تحبيل وتولد ملك
ما تزرعشي فيه حيطان معتقل
ف مسقط النور الوحيد اللي باقى

* * *

محكمة ما اعرفش

في محكمة ما اعرفش
 في تاريخ ما يتكررش
 دافسعت أنا عنك
 والقاضي ما إتاشرش

* * *

أثبتت وكيل النيابة
 إنك زعيمة عصابه
 مثلتي دور المصنابة
 وركببت زور ف النعش

* * *

ببصلك في القفص
 شبيهه عليه الخرس
 من صدرى هرب النفس
 ناديت عليه ما سمعش

* * *

قررت أعيد المحاولة
 صرخت فيهم يا جهله

مش سهل إعدامكو دوله
ولا سهل أخضع وأكش

* * *

ف لحظة مال وإتعوج
مىزان عدالة الهسمج
وف نفس حلمي السممج
تاريخ حبيبتى ما متش

ف محكمه ما أعرفش

* * *

هامش عمار

على شفتينك بقايا جُمل
 وحرفين مقاومه وهامش عمار
 وزغم إن جفنك بحزن إكتحل
 لقيته بيحلم بحفنة نهار

* * *

ورسميَا إنتي بعلم الجناة
 تيبس وريدك فسارقتي الحياه
 ولما انكتبلك شهادة وفاة
 لمستك لقيتك رفضتي الحصار

* * *

وفكيت جبيرتك وحركتي إيدك
 وطلعتي صدرك يرضع وليدك
 ودوب وليدك بقايا جليدك
 حبلت عساكر وفرسان كتار

* * *

في لحظة ولادتك سمعت الأذان
 وقرآن يبقره يهز الكيان

ويايمان ولادك بقالك كيان
وردد لسانك أغساني إنتصار

* * *

دا حلمي اللي بآتمنه تكبر كفوفه
ونفسي ف أرضك تفرع حروفه
حبيبتي هتديني فرصه إني أشوفه
وألا إكتفيتي خلاص بالحصار
على شفـتـينك بقايا جمل

* * *

استضافه

نفسي ف دعوه من عنيكبي أو استضافه
 نفسي ف نظرة عشق مش نظرة صحافه
 نفسي إيديكي الطيبه تلمس إيديه
 ما تقفش ع الشط البعيد زي الخرافه

* * *

عاشق جمالك وإنتي أجمل من جميله
 يا أسطوريه وهلاميه وبممكنه لا مستحيله
 جايلك على حصان الأمل من ألف ليله
 ليه خفتي مني وإنتي مش خوافه

* * *

أنا الملك وقلبي كل ما بأمتلك
 ومن زمان قلبي خرج يستقبلك
 شفتك مدينة حب قمت إشتقتك
 وإنتي لنور الشمس برضه إضافه

* * *

يا طفلي وأغنيتي وحرف عمري ما بأكتبه

حتی العذاب منك بقیت بأستعذبه
حبیت عنیکی إزای وهمه ییهربوا
نفسی أكون ف عیونك الشفافه

* * *

أبيض واسود

أبيض واسود والا بالألوان
شففتك بعيني يا منى عيني
إنتي حقيقته والا حلم وكان
رافض يعيش أيامي وسنيني

* * *

مين اللي قالك رضعيني وجود
مين اللي قالك إني مش موجود
لمي صباكي وإزرعيني بارود
وإتلوني ف عينه تحييني

* * *

عندك ملايه بانام عليها ما أخافش
أتغطي ييهها ألقاها زي الرمش
حضنك ملايه والا حضنك عرش
ما بخافش منك لو قتلتيني

* * *

عايزك يا صابره تملي من دا الصبر
وتفكي أسر البندقية الحبر

نفسی اصُـر المر وأرجع حُـر
أرجع لحـجـرك وإنتی ترقـیـنی

* * *

نفسی أحضنك واقع ما فیہش خیال
نفسی ما یقـاش كل حالـی سؤـال
وبرغم خوف الشمس م الإغـتیـال
الضلمـه أبعد من شرایـنی
إتلونی ف عنیـه واحیـینی

* * *

المحطه

نزلت حبیبتی قبلی بمحطه
وما سلمتس علیه وما حاولتس
نزلت حبیبتی ونسیت الشنطه
وفضلت أنادی علیها وما سمعتس

* * *

فی أول الشنطه لقسیت فستان
باين علیه من العریس هربان
هیة اللی هربت وألا أنا اللی جبان
شفت العریس قررت ما اتقدمش

* * *

قدرت حبیبتی تفهم اللعبه
رغم الكلام الخلوم الخاطبه
عرفت حبیبتی تفسخ الخطبه
أو حته قدرت إنها ما تخونش

* * *

عرفت بجد تصحح الغلطه
رفضت صباها يكون لها ورطه .

وبرغم شيبها قاومت الماشطه
ويا ريتني زي حبيبتى ما أتورطش

* * *

إزاي قدرتي تشيلى بإيدىكي
همى وهمك واللى حوالىكي
لساها صورة وطني في عنىكي
وإزاي بصورة وطني ما أتأثرش
نزلت حبيبتى قبلى بمخطه

* * *

عقدة عقل

فكرت أعيد فيكي النظر تاني
وأرفض تعري الصدر ف الضلمه
إزاي عشقتك وإنتي عشقاني
وحبيتي طالبة رصاصه الرحمه

* * *

ما أقبلش أشوف أحلامي فيديو كليب
أو انتفضلك وأنسه إني أديب
مليت من الغربه وم التغريب
ورفضت تبقي صاحبة العصمه

* * *

بيني وبينك ألف عقدة عقل
الشمس حلمي وإنتي عاشقه الضل
وعيون حبيتي لسه فيها الكحل
لسه بتخجل لما أقول كلمه

* * *

نهدين حبيتي مليون برصاص
شفايها طاهرة مالمستش الكاس

إدینی فرصه أعشقها وبإخلاص
ما أقدرش اتتهه لما أقول يا أمه
لازم أعید فیکي النظر تاني

* * *

عصافير الجنة

الشارع ما فيهوش ولا سور
 مههدوده كل الجدران
 طيارتي زي العصفور
 بتطير بورقها السلوفان

* * *

وحبيبتى بتلعب ويتفرح
 بتسرح ضفايرها وتسرح
 حوالينا الياسمين ييفتح
 والكوره ف وسط الصبيان

* * *

مين قطف الياسمينه وخاننا
 مين خطف الكورة اللي ما بيننا
 من خوف عصافير الجنة
 وإداها لبنت السلطان

* * *

مين قص ضفايرك يا حبيبتى
 مين وقع م السما طيارتي

مش كنتي عشاني إتزوقتي
إيه خلي جسمك بردان

* * *

وأحلفلك صمتك صحاني
فكرني ياسمى وعنواني

وإن حبسوا ريشتي وألواني
هافـتـكـمـع كل أذان

والشارع ما فيهوش ولا سور

* * *

إقامه جبریه

ما بین خیال الضل والأراجوز
 بأحس همی شیخ کبیر وعجوز
 إزای عرایس قدروا يتحركوا؟!
 وأنا اللي تايه ف إحتمال ويجوز

* * *

من سـجني باخرج وأنوي أتمشّي
 ألقاني بأرجع خوف من الدوشه
 مجبر بنكته أغطه وأتعشه
 وأمضع هزيمتي والمقام محفوظ

* * *

وأصحى على صوت فكرتي فيه
 رافضه تكون إقامتها جبریه
 أمسك مرایة حلم مرمیه
 أشوفني حتى م الحياه مجعوز

* * *

شفت ف قميص الصبح بُعِبُ سكن
 جيت أنفضه لقتیه هوه الوطن

صرخت صرخة خوف وصرخة شجن
وسألت نفسي ليه بقيت مهزوز؟

* * *

إختل عقلي وإنتهيت محتل
وقتلني ذُلي ف إختيار السهل
ونهبجت حتى م القعداد في الضل
ما بين خيال الضل والأراجوز

* * *

بنتوه ساعات

بنتوه ساعات . وبعد توّه بنفتكر
 إن الساعات فساتت علينا من سكات
 نرجع نتوه وكأنا في حاجه ماسه لنفسنا
 أو نفسنا نلقه اللي ضاع من عمر فات

* * *

الرحله تبدأ والطريق مفسروش بورد
 الرحله تخلص والطريق مفسروش بورد
 والحلم يكبر طول ما جوه القلب نبض
 لكن ييفضل حلمنا مش لاقى غد

* * *

وما بين سحاب في العيون وما بين سحاب ف السما
 قلوبنا صبحت حصون ما فيهاش مكان للنما
 لا الشمس قدرت تكون ولا إحنا عشنا إنما
 جوانا شئ مـجنون نطلع ولو سلمه

* * *

بنتوه ساعات والساعات علينا محسوبه

والجاي قَ حَضن اللى فات وقلوبنا مِغصوبه
لا إحننا عشقنا السكات ولا م السكات توبه
جوانا بتموت حاجات لقيناها بصعوبه
ونتوه ساعاغات

* * *

حاله

بینی و بین الفللسفنه
 رحله صداع ما بینتههیش
 ف مدینه مش متعسفنه
 ممنوع علیه انی أعیش

* * *

الشعر حاله هتقتك
 العقل جسر یوصلك
 حاولت أمشي بدملك
 لقیبتنی صلب ما بنتیش

* * *

وأنابین جنونی وأفلاطون
 قررت أكون أو لا أكون
 أنا طیر علی كل الغصون
 رفض الحراسه من شواویش

* * *

وحرروفي طب الموجوعین
 ولحاف یغطي البردانین

حلمى ككل المظلومين
تكون مديتك دي ما فـيش

* * *

باب المدينه الفـاضله
وراه بلاوي مـتلتله
تعرف إيه هيه المعضله
إنك جریت ما لحقتنیش

بينى وبين الفلسفـه
رحله صداع ما يـنتهـيش

* * *

براح عنيكي

ف عنيكي بس باحسن إني باتحضن
وباحسن إني سنندباد
بافتح جميع البوابات ألقه الوطن
واسمي في شهادة ميلاد

* * *

وبراح عنيكي ضد أزمات السكن
ضد البكا وضد الشجن
من غير بطاقه أو طابور بلقه اللبن
ببلاش ومن غير اعتماد

* * *

وقريت ف نك « قل هو الله أحد »
وبدأت أفهم واجتهد
وحاولت أعيش في عنيكي وأفضل للأبد
ومسكت ديل جليبتك أنا والولاد

* * *

غمضت عينك عني ما لقتش الحياه
مسكت قلبي وقلت آه

كنتي الوطن يا امه ودوختي الطغاه
دلوقستى أنا ووطني ف مـزاد

أوضة الخزين ما فيهاش ولا كيلة درة
ما اعرفش ليه بأمشي لوره

جابوا البشاورة وحاولوا مسح الذاكره
أعلنت لحظتها الجهاد

صـرـخـت وناديت للوطن
لكن قوليلي إزاي هيحضىنى وطن

* * *

إعدام

مُعْـمَدَمٌ وَلَا بَسَ بَدَلَةَ الْإِعْـمَادِ
 مِنْ غَيْرِ مَحَاكِمِهِ إِلَّا عَلَى الْأَحْلَامِ
 وَقَلْبِي كَمَا أَنَّ هَرَبَانَ مِنَ الْأَشْكِيفِ
 وَفِ حَضْرَتِ غَسُولِ سَلَمٍ وَغَمَضٍ . نَامِ

* * *

الغيم كسا شمسي وغلفها
 عصبٍ عنها وباس شفائيفها
 صرخت لا حد سمعها ولا شافها
 تعبت غنا . هربت لنفس المقام

* * *

العصر عصري . وعصري مش ممنوع
 وحبيبتي على شالها دموع وشموع
 حتى الألم كأنه زمان مرجوع
 دلوقتي جوع وإشبع دموع وآلام

* * *

يا حبيبتي شيء جواكي زي إنكسر

ولا انتى نقطه فى بير عليه ميت حجر
 خايـف لـ مالـقلـكـيش وجود أو أثر
 أو قـولـي خايـف تـطـلـعي أو هام

* * *

محتـاج بإيدك تمسـحي دمـعـتي
 وأخـاف لـزى تـلبـسى بـدلـتي
 وهـتـني أقـسـول فـينـك يا حـريـتي
 يا ضـحـكتـي المسـجـونة من ألف عام

* * *

ضهرك المحني

وإتني على طشت الغسيل قاعده
 ودمع عينك حاضن الرغسوه
 تدعك إيديكي الهم والشده
 تغرق كأن الطشت فيه « نوه »

* * *

والبقععه بتزيد كل يوم عن يوم
 والجرح محتاج طن مكرروم
 إزاي قدرتي والوطن مفروم
 تغلي الكفن وتكتمي الشكوى

* * *

ليكي زمن يا صابره ع الحال ده
 تفكي عقده تلتقي عقده
 وجع الضلوع مجموع في مسوده
 والصبح شايب والخضوع بلوه

* * *

باتداره خوف لعنيكي تلمحني
 وتمدي إيدك تمسكي كفني

كان نفسي أعالج ضهرك المحني
بس انتي خدتي خلاص على الخلوه

* * *

حاولي عشاني تخرجي م الأمس
وشوفي همك بس تحت الشمس
قومي معايه بس قومي بحرص
استقوي بيه ويكي هاستقوي

دا الصبح شايب والخضوع بلوى

* * *

الزیشه والألوان

مالیش عنوان . أنا بعدك مالیش عنوان
 أنا بردان ما بين القرب والنسيان
 ومالیش ذمب في هواكي ومش هانساكي يا ملاكي
 زمان مش من زمان جداً . خلدتني عنكي بالأحضان

* * *

على إيديكي عرفت أحب . عرفت أعشق بحريه
 جاوبتني ع السؤال الصعب جاوبتيني بحنيه
 مسحت من عيونني الحزن وعلمتيني أغنيه
 أعيش وأتعلم الطيران أكون عاشق بلا شيطان

* * *

وأنا تايه . قابلتيني . قبلتيني وعلمتيني كافة شئ
 بنظرة عين بتحييني وتحميني بقلب رقيق
 ومش عارف أنا فيكي بدوب والا بغنيكي بقيتي طريق
 ولما أعطش تبلي الريق لقيت ف وجودك الإنسان

* * *

وقبلك عشت أنا سلطان ما كانليش في الهوى دستور

جنايني من بنات الحور وعرشي من زهور وعطور
 سطور العشق تكفسييني وتكويني حشروف وسطور
 وجيتي إنتي ملكتيني سحرتيني أسرت الريشه والألوان

* * *

قوليلي المستحيل ممكن هأكذب روجي علشانك
 لكن نبعد . ده مش ممكن عشان عنواني عنوانك
 أنا اللي شربت من شهديك وأنا اللي إخترت إدمانك
 بقولك لاء ولا يمكن أعيش بعدك بنص كيان

زمان

زمان مش من زمان جـداً
 خـدتني عنـيكي بالأحـضان

* * *

رقصه الحياه

بييني وبينك دوامات وبحور
بينك وبينني ألف باب مسحور
وساعات كتيره ييمتلكني اليأس
ومعاكي بس بلاقي للشمس دور

* * *

الكتز كنزي بس حاسس بعجز
فيه ألف مارد قبل باب الكتز
أول ما أشوفك قلبي يتهز هز
ألس كقوفك أتمنى أكون عصفور

* * *

سفن النجاه بيننا وبينها بلاد
والموج عنيد وفينا نفس العناد
« رقصه الحياه » ضمتنا لحظة ميلاد
وف ضمه ضلمه فين نلاقي النور

* * *

يا حبيبتي يا أسهل كتاب باقراه
ولا حد غيري يوم فهم معناه

إنتي الحياة معجونة بالمعناه
وألا الأمان فيكي مألُهش جذور

* * *

يا حبيبتِي ليه عاشقك وليه بلعنك
مين اللي مني من زمان مكنك
سكتتي فييه إزاي وأنا باسكنك
رغم إن بيننا ألف سور مش سور

* * *

جراحة تجميل

خبير ف جراحة التجميل
ونفسى أشيل لك تجاعيدك
وأجيب أجنه وأجيب أزميل
واكسر خوف مسواليدك

* * *

حبیبتی مشرطی طیب
یـجـرح بس ییطیب
وعایزک ما تقولیش طیب
للون أصفر على خدودك

* * *

حبیبتی ما تکتّمیش نفسک
سبیه یطنغی على یأسک
ولو غیرى عشق خرسک
حروفک لسه فى وریدک

* * *

عشانی غمضی عنیکی
 سببینی ادخل حواریکی
 أصحی الی اندفن فیکي
 واستأصل عمی عیدک
 * * *
 ساعتها هترجعی شابه
 وترتاحی من الغمربه
 وألم الأهل والصحبه
 عیدتنا نبوس إیدک
 نکون أجمل موالیدک

* * *

شلل نصفي

أنا مكسوف أوي منك ومش مكسوف
هأقولك إيه . . ما خدتش من زمان مصروف
حاولت إني أشتري نفسي كتير تقسيط
قالولي عيبط . . وما عرفتش تجاري الخوف

* * *

طب أعمل إيه . قوليلي إنتي وأنا هاسمع
أنا من عمر ما شبعتش ويمكن م الكلام أشبع
ربطت حزام على جوعي لقيت الجوع بيتقطع
بيعصر معدتي بإيده بيعزف والوتر معروف

* * *

حاولت انطق أو العب رست مع ألي
يا دوب بيدأ بدأت التهتهه في إسمي
وأنا جلدي على عضمي كتب قلمي
أصاب حلمك شلل نصفي أو الغضروف

* * *

وكتي زمان بتسقينني اللبن بالقسط
ود لوقتي أنا بأحلم وبتنفس ولبس قسط

قوليلى مين كشف جرحى عشان يتلط
ولو مش شايفه هأدعيلك سلامة الشوف

* * *

هيرضىكى إني أموت خايف ما ليش ديه؟!
هيرضىكى أعيش تايه ومش لاقى المعديه؟!
وأنا اللي رضعت وإتكرعت وإتقطعت حرىه
وأنا اتعودت علشانك أثور وأخرج عن المؤلف
أنا مكسوف أوي منك

* * *

قلبي إنخطف

مسموحلي أقرب للجمال ده وأدوب
وأدخل دروب حسنك وأتوه فيها
صعب أوعدك لو تمنعيني أتوب
وانتي ف عيوني الدنيا وما فيها

* * *

أول ما شنفتك نبض قلبي إختلف
يا لؤلؤه رفضت تعيش ف الصدف
بأحلف لقلبك إن قلبي إتخطف
حسيتي بيه يا ندية الروح

* * *

نفسى بأنفاسي بإحساسي أقربلك
واطوي التساريخ اللي إنكتب قبلك
هتصدقيني أنا مني بهرب لك
علمني حبك إنني أعيش بوضوح

* * *

أنا عشقت قبلك كام حكاية عشق

لكن معاكي إنتي باحس بفرق
إنتي ميلاد قلبي يا لحظة صدق
وأنا اللي قبلك عاش طبيب مجروح

* * *

مسموولي أقرب للجمال ده وأدوب

* * *

خبر عاجل

خبر عاجل .. وما يهמש ولا عاقل
 خبر عاجل . وقبل ما يسأل السائل
 بنفسى بحشت عن نفسى
 وقررت إختفاء وائل

* * *

وخليكوا ف أمساكنكم
 وأنا منى هامكنكم
 ومش عايز عزا منكم
 ما أنا المقتول . وأنا القاتل

* * *

يا ناسى المزروعين أحزان
 يا ناسين إن أنا إنسان
 عزائي ما كانش في الإمكان
 ألا قيلكم إمام عادل

* * *

دافعت بشعري عن قهري
 وشلت الحمل على ضهري

لقیبتنی مستحیل باجری
مشاعری اِدوها لمقاول

* * *

وکان اول قرار هدمی
وسلب الخلم من دمی
وقبل ما ینکسر قلمی
کتبت إن الجمیع جاهل

* * *

وسبت رساله یا حبیبتی
سألتک فیها لیہ خنتی
وناسی مقرین صممتی
لیہ ما حاولتیش یعیش وائل

* * *

لین عظام

رافضك تكونى يا حبيبتي فراشه
وانتي فراشه إزاي تقاومي النار
رافض يصيبك لين عظام وهشاشه
وترقصى . ورقص القوادم عار

* * *

صعبان عليكى الإستيطان ف الوطن
ف مخيمات اللاجئين من زمن
خليكي فأكبره إن التاريخ مش وثن
بكره هايفسح باباه للزوار

* * *

حبينى يا أجمل وارق حبيبته
وما تدفعيش علشانى أي ضريبه
رافضك تعيشي أي لحظه عصيبه
أو يوم تشدي ع الحقيقه ستار

* * *

خليكي صلبه وإكسري الطبله

وما ترقصيش وإنتي على القبله
جى اخطبك وجسايلك الدبله
بلاش معايشه وعيشى للثوار

* * *

مریمیه

یا مریمیه التاریخ ما إتنساش
یا مهد عیسی حبنا ما إنتهاش

* * *
ولو الصهاینه إتفقوا علی موتك
مهما إن علی صوتهم علی صوتك
لا إنتی ولا إحنا هانرضه بسكوتك
لسه الكلام بالدم لسه ما إبتدش

* * *
كام طفل ماتوا وكام یا قدس إیتموا
كام أرمله إتنصرت لحلم بتحلّمه
كام شاب حلفوا للخطر يتقدموا
جریوا وره حریتك ما لیقیوهاش

* * *
وإزای قدرتی تقابلی دانه بحجر
دی فلسفة وألا تأنی وحذر
یا حبیبتی جواکی وحوالیکی خطر
فیه حاجة عندك لسه ما عرفنهاش؟

إتكلمي . دقي يا قدسي الطبول
إتكلمي خلي مآذذك في الجوامع تقول
قوليهآ كلمه ، وإنتي قد القول
عرييه كوني وما تضعيش ببلآش

* * *

يا مريميه إحنآ معآكي أكيد
الله معآنآ ووعده لينا أكيد
واللي الصهآينه بيقولوه تهديد
ولسه نور الشمس لسه مآ انطفآش

* * *

لقني قلبي الشهاده

ما تكونيش قصه مُعادَه

تغمس الموت بالولاده

لما أموت علشان عيونك

لقني قلبي الشهاده

* * *

طفلتي المفطومَه غصب

واللي مله ماش أي ذنب

رضعيوها بارود وحرب

بادو أحلامك إباده

* * *

لسه لبن الصدر دافي

رضعي بتي القوافي

باعترافك وإعترافي

بنتنا أحلى إنتفاضه

* * *

إجمدي وخليكي صلبه

ما تسببش الشوق ف غربه

وإن لقيتني ف إيدي حربه
علميني إنتي الإراده

* * *

قومي وضميني وسبيني
لخطوتي تسبق حنيني
وإن عرفت تحصيليني
حاصليني بالشهاده

لما أموت علشان عيونك
لقني قلبي الشهاده

* * *

بين الضحك والنههه

ما يكفينيش فيكي الحياه كلها
يا ضحكك حلوه عمري ما ضحككتها
عندك شجاعه تدافعي عن حبي
حتى ولو نص الدفاع تهتهه

* * *

غرقان عطش ومن العطش بردان
عنواني بيت ف بلاد بلا عنوان
ومعاكي بس حلمت بالانسان
وضعت بين الضحك والتهتهه

* * *

أول طريق أمشيه ما احصلهوش
لا بالورود ولا بالوحوش مفروش
عرفت فيه كل اللي ما عرفتوش
ندمت ع اللحظه اللي أنا عشتها

* * *

مدن الجمال مسكونه بالأشباح
وألا الفشل له نفس طعم النجاح!؟

معقوله ييقه الحمل زي السفاح
كدبت كدبه وأنا اللي صدقتها!؟

* * *

يا خريطه سهله وصعبه وساعات حويطه
وساعات باحس إن إنتي ساذجه وعبيطه
آسف لأنى كنت شايفك بسيطه
آسف حقيقى إن دورى انتهى

* * *

خمسه وخميسه

كرباج يا نور الشمس بتلسوع

كرباج يا برد الليل وفيك بُع بُع

بين الحقيقه والسراب ميت باب

وكل ما افتح باب بيتشمع

* * *

الحق كان منسوج بنول جدي

والحلم كان متقاس على قدي

إزاي قويت أشتال سلاح ضدي

وندهت حلمي لقيته ييفلسع

* * *

كان يا ما كان أبو رجل مسلوخه

أكبر شبح في حكايه منفوخه

دلوقتي حتى حقيقتي ممسوخه

أطرش ف زفه وبيقولوله إسمع

* * *

الشمس فرشت وحشهاف ضلي

والليل مراقب شوقي بالملى

وأنا بين مسافة جرثتي وجهلي
فضلت أشد لحافى وأكوع

* * *

ما اعرفش حاصل خمسة كام ف أربعة
ولا ليه طقتى إتسقلت قبعة
وأشوف عقارب ساعتى متسرعه
أحلف عليها لتمشى تلتكع

* * *

خمسة إلا خمسة ضربت تفلسه
خمسة وخمسة خمسة وخمسه
مليون يهوذا بيجرؤا ورا عيسى
وعيسى رافض يضرب المدفع

بين الحقيقه والسراب ميت باب
وكل ما افتح باب بيتشمع

* * *

القله والأبريق

يا حبيبتى نهر الحب ليه إتقطع
تكونش حاجه سدت الخرطوم

وإزاي هاحبك وإنتي فيكي الطمع
وإزاي يا غاليه هانوي عنك أصوم

* * *

ليه يبقه بيني وبين جمالك سد؟
ليه بسألك وما بلتقيش الرد

بكيت عليكى طب قوليلي « سد »
يا حبيبتى إيه مع تعبش جفنتك نوم

* * *

نشفتي ريقى وزهقت فيكي زعيق
وعصرت قلب القله والأبريق

علم صدا الأبريق في رمل الطريق
واتصحر الإحساس وفرحوا الخصوم

* * *

يا حبيبتى قومي عشاني من غفلتك
قلبي الشراقي اشتاق لحنيتك

يا حبيبتى انا المفطوم على قُلتك
جايلك تنادي معايه ع المرحوم

* * *

نادي لنهرك لسه انا بأعشقه
ولما باسكت ف السُكات بانطقه

ده حقي فيكي وغيري جاي يسرقه
من حقي اذافع عنه لو بالدوم

* * *

عاشق كسول

بتوحشيني بس ما أقدرش أقول
 وهتظلميني لو قلتي عاشق كسول
 أنا الخـريف وانتي الربيع ف بدياته
 لاء فيكي مجموع حسن كل الفصول

* * *

ما انكرش إني طمعت . فكرت فيكي
 قـربت منك . مني خـفت عليك
 وإزاي مـغطى الرمش شـمس عنـيكي
 إزاي قـوليلي أوصـف شـفايفـيك دول

* * *

جـمـل الجـمـال فيـكي دـعـتني أـعـزفـك
 خـبـاـت حـرـوفـي وـخـفـت جـد أـوصـفـك
 مـهـمـا عـشـقـتـك صـعـب إني أنـصـفـك
 بيـني وبيـنـك أـلـف بـاب مـسـقـفـول

* * *

كـبـرت مـلـامـحـي وبنـت التـجـاعـيد

وانتى صباكي زي بدر وليد
سبيني احبك من بعيد لبعيد
ضميني لحظه بس من غير ما أقول

* * *

دبل الياسمين

شايف صورتك قدامي

وانتي بتجري وره الشمس

قصداك تلعبى وياها

وتلمي خيوطها بحرص

* * *

غنوة أمك جـواكي

الشمس دي سر دفاكي

وجريت من شوقي وراكي

بس ما طلعتش الشمس

* * *

طلعت قنبله موقوته

رافضه تعيش الحدوته

وانتي يا أجـمـل بنوته

ما اتسوعبتش الدرس

* * *

دمك شـخـبط ع الأرض

وأنا بالتجمدم البـرد

باصرخ على حـد يُرد

وأنا أخـرس وسط الخـرس

* * *

دبل الـياسمين على شعرك

وإنـجرح الحب ف صدرك

وأنا حالف لأدفع مـهرك

لو حتى خـاتنتى الشمس

* * *

ضل الدموع

قیدي الشموع وابتسمي بين الجموع
 ما تكحلش عينك بضل الدموع
 وإن حد سألك ليه قستلت الملك
 ابتسمي تاني وغييري الموضوع
 * * *

لمي الحرس واستورديلك شعب
 يستجمل الكرياج ويرضه النهب
 وإياكي من عرش اتبني على حب
 وحذاري من قلب اتفطمع الجوع
 * * *

قال الملك ما أجملك ف الضعف
 إيه حـولك من شط عطف لعنف
 إزاي قدرتي تغضي عني الطرف
 وأنا اللي فيكي من زمن مزروع
 * * *

لسه نزيف قلبي على الإسفلت
 عاتب عليكى قوليلي ليه اتقتلت
 أنا الملك وكرهت فيكى الصمت
 اتكلمي . اديني حق الرجوع

* * *

وحذارى تاجي يلبسه غيري
 حذارى م التفكير ف تغيري
 وأكيد هيتبكي عليه وتغيري
 لحظة ما أحمر قلبك المخدوع

* * *

جبيرة مستحيل

ما يهمنيش أبقي مهم
 ويهمني ألقه الأهم
 والهـم عامـل مشـترك
 نسبة نجاحك كام يا حلم؟!!

* * *

وانته عوارك مش بسيط
 مسكت إيره وجبت خيط
 جيت ألق الجرح الغويط
 لقيتني مضطر انهزم

* * *

مش كنت جوايه ف أمان
 وخرجت تنده ع الجيران
 كتبت إسمك ع البيان
 فبقيت لوحـدك متهم

* * *

ورجعت من مشوار طويل
 بين تهمتين ثوري وعميل

لابس جببيرة مستحيل
ويتستجير من ألف هم

* * *

وندهتني رديت عليك
جوايه بيثببه عليك
عرفت أصعب حاجة فيك
باجي أرسلك يقف القلم
ما اعرفش مين فينا الأهم

* * *

طلاسم

حاولت افك طلاسمي جيت مفك
 لاقيتني باهرب مني واجري وافك
 خرجت جميع اشباحي من قمقمي
 وفضلت اتهتته ف الكلام واعك

* * *

الخوف شبح والجوع شبح أكبر
 وأنا بجرجر رجلي واتأخر
 واحلم الاقي في ايدي سيف عتبر
 أرجع كأن الحلم لحظة شك

* * *

أجمع شجاعتي وأنده الحراس
 وأعمل ملك على نفسي مش ع الناس
 ألمح حماسي بيشهر الإفلاس
 أقفل على عقلي البيبان وأسك

* * *

وسؤال يلح عليه إليه العمل
 أتعب من التفكير وأنام ف العسل
 وأجى أقوم أقلع عباية الكسل
 القه تاريخ صحيانى هلس وإفك

* * *

أصرخ عسانى ألقه لصوتى صدا
 وأسألنى نبرة صوتى ليه مجهده
 أقنعنى إن حياتى صابها الصدا
 لو افك منها عقتدى تنفك

حاولت افك طلاسماى جبت مفك

* * *

بین الضلمه والضلمه

وأنا ماشي ف عز الليل
 ما بين الضلمه والضلمه
 ومستلنع بيسرد الليل
 ورعشه بتشبه الحُمه

* * *

لقيت ضعفي بقه ضعفي
 ونازل سيفه على كفي
 ضربني الخوف على كتفي
 وما عرفتش أقول يا أمه

* * *

قاومت وقادت ولاعتي
 حاولت إني أشوف ساعتني
 لقيت الوقت مش وقتني
 طلبت رصاصة الرحمه

* * *

وشديت رجلي عن رجلي
 صارعت بخطوتي جهلي

صـرعت بـخطوتي أملي
وعقلي يـرفض الكلمه

* * *

صـحيت وإنتي بـترقبيني
وحضناني بـتسقينني
طردت الحـزن عن عيني
ما خفتش تاني م العتمه

ولو هـأمشي ف عز الليل
ما بين الضلمه والضلمه

* * *

أغروكي بالتجريبه

بتقولي ما أستسلمش

عسايزاني مسا أتالمش -

والشمس جسوه العين

والديابات ع اليرمش

* * *

أغروكي بالتجريبه

وعنيكي متتعصبه

خدعوكي بالطبطبه

بس النهار مسا رجعش

* * *

واللي معاكاي اختلف

على جرح قلبي عزف

وبقيت مسجرد هدف

ونشانه ما بيرحمش

* * *

صدري الرصاص زوقه

والشمم مل مين فرقاه

وهُمُّهُ يَحْقُقُوا

ليه صدرى ما استحملش

* * *

لو جايه تتيعرفي

يا حبيبتى ده موقفى

ثورى بقره استنزفى

خلى الأمل ما ينمش

والشمس جوه العين

تكسر صلابة الرمش

* * *

آخر الکلمات

عایزانی اصدق ان قلبك مات
 واتحول الحلم الجمیل لسكات
 ممكن أقول على أي شيء آسف
 إلا عليك يا آخر الملكات

* * *

تشهد عليك صورتي دي ف عنيك
 ورعشتك لحظة لمست إيديك
 ولا تكديش . أنا قلبی مزروع فيك
 ولا تنكريش إن إحنا ذات من ذات

* * *

أنا اللي شاعر والا حسنك أسر
 والا إنتي تكوينك نسيج من شعر
 إديني فُرصه أكتب لآخر العمر
 وادمن جمالك وأعشق الإفراط

* * *

أنا فوق حصاني وإنتي وسط الحرس
 وحاجه فيك بتبادلني النفس

إزاي أسيب إحساسي دا يتحبس
وإزاي أسيبك بين أنين وأهات

* * *

هافضل أحارب من زقاق لزقاق
وف كل شق هاشق قلب الداء
وإن مُت فيكي بعدي فيه عشاق
وإن عشتك هارفض وجود السكات
هاتغني بيكي يا آخر المللكات

* * *

لكبح الغضب

ولو يعنى فيها إساءة أدب
 وحبسة تمرد وحنفنة غضب
 ما دمتوا جميعاً رضيتوا إستضافتي
 أرى إن واجبي إثارة الشغب

* * *

ف مستشفى همي وأنا لسه داينخ
 لقيستني بردد سؤال بس باينخ
 ليه الفرقه دبت ما بين المشايخ
 أصولي - ووصولي ومن غير سبب

* * *

وإيه دور أميركاف فض التزاع
 مع كونها رافضه الهجوم والدفاع
 بتلوى دراعي . ونفس الدراع
 بصقف به ليها ومعايه العرب

* * *

وترفض فرنسا وجود الحجاب
 وقبل ما تسأل يجيها الجواب

ولسه فتاوى كتير في الجراب
تخلينا نخجل نربي الشنب

* * *

وتزحف جيوش بن « خال دون » تجاهي
تخليني ما اعرفش فين اتجاهي
ورغم اني منسلم وعارف إلهي
خلاف المشايخ جمع لي الحطب

* * *

تعالوا معايه ومن غير غلط
وأقسم بربي إن أنا مش لبط
بما أن خير الأمور الوسط
أردت اجتماعكم لكبح الغضب

* * *

قوانیس رمضان

قوانیس رمضان ف ایدین الناس
 وفیه ناس فوانیس ف ایدین رمضان
 دول ناس بتوسوس للوسواس
 ویببنوا الضلمه ف کل مکان

* * *

وف کیسه الشیخ رمضان کوالیس
 تستوعب أي عدد فوانیس
 وإن حاول حد یقول خلایص
 ضلمه فوانیسه تقول دا شیطان

* * *

اتوضه بجهله وروح زوره
 ما تشوفش عشان یرضیک نوره
 اقلع عقلک ترضی غروره
 تلبس عقلک تبقی الغلطان

* * *

هیقولک إن الشعیر لارنج
 هیقولک شد فرامل الأورج

إسمعله وكون شرابة خُرج

أو موت والتهمه إنك إنسان

* * *

بلا فن مقال . بلا لعب عيال

بلا مسرح جد بلا استهبال

هيصرف ليه على شئ بطل

الهدف إنكو تلبسوا أكفان

* * *

صقفوا يا ولاد لهلال رمضان

تصقيفه كمان وارضوا الصبيان

بيقول يا لاللي يقولوا أمان

فليحيا التخت ف كل مكان

* * *

سبنا البيوت لليوم وللخفافيش
وسكننا كهف وغطيناها بالريش
أفشيات يا خوف والا الأمل أفشيات
يوم تطلبه يوعد ولا يوفيش

* * *

لو نوح سكت ما كانتش مركب نوح
عاشين جسد ومحتاجين للروح
جنون نكون بالدمع أو بالنوح
وجنون يا وطنى تكون مجرد اسم

* * *

ضبط واحضار

طلبتى ضببتي واحضاري
 وقبضتي على شمس نهاري
 ومش هالومك يا حبيبتى
 ما انا اللي سبتك تختاري

* * *

اخرتري ضربى بخرزانه
 ونسيتي انك انسانه
 حطيتي حلمي ف ززانه
 كلبشتي جوايه وقاري

* * *

سندت ضهرى على الحيطه
 لقيتني محكوم بخريطه
 قرفصت ما عملتش زيته
 علم سكوتي ف زواري

* * *

يا ريتني ما صعبت عليكي
 ويا ريتني نشلت عليكي

شفت الخيانه ف حواريكى
 قرفت أكمل مشوارى

* * *

لكن ورجلك في الفلكه
 هاحاول أفتحلك سكه
 أنا لسه قادرع الضحكه
 ونهارى لسه ف أشعارى

* * *

خديني يا حبيبتي ف حضنك
 واتشجعي وبلاش جنبك
 ما ترضعيش الخوف لإبنك
 وماتكسريش استمرارى

* * *

حُضن الليل

يا صاحبي حلمي إتقتل
والدم سايل سايل
وتعسبت أنام ف العسل
وكرهت حُضن الليل

* * *

شوف كنا كام من سنة؟!
وبقينا كام كلنا؟
عددنا « إتته وأنا »
حسبة تهد الحيل

* * *

ومسا بين إمام مأموم
ومسا بين هموم بالكوم
شط الحياه ملغوم
وإكتافي تعسبت شيل

* * *

يا صاحبي دي شدتك
إلبس لها شدتك

وإن شهقتي سبقتك
ما تموتش وإنته ذليل

* * *

يا صاحبي والدنيا ضلمه
قيدلي صوابك مقاومه
أنا وإنته كلمه مهمه
تجقق المسبتحيل

* * *

جسور الصمت

غلطتي يا حصاني إني ضعفت
أخطبك وأعديك جسور الصمت
حتى الحقيقه كدبه في حقيقتها
عجزت تعدي شوارع الأسفلت

* * *

الفعل له فاعل وله مفعول
والقتل فيه قاتل وفيه مقتول
وكل ما أقره ف سطر م المجهول
ألاقي كلمه بتتظرنني « فهمت » ؟

* * *

الكل بيحضر ف شنطة سفر
والكل ف طابور انتظاره افتر
إنه في أول صف بس الخبـر
من كلمتين [ليـه حلمت؟!]

* * *

وحيبتي مكتوفة الإيدين خايفه
واقفه بقالها سنين هناك واقفه

ولا المراكبي ييمسك الدفه
ولاحد عارف إمتته يجي الوقت

* * *

يا حصاني يا مغلوب على أمرك
لا عرفت سري ولا قريرت سرك
فكرك هنوصل يوم هناك فكرك
والا أنته بعد الرحلة دي حرمت؟

* * *



دلح

معجونة مصر بدلح .. وبرقه وبطيبيه
 ما فيهاش مكان للولع ولا تعرف العيبه
 سمعت كلام من جدح وقعت ودابت فيه
 خلاها تمسك صاجات مع إنه بذيبه
 وسلام ومليون سلام لو يحكمك بهلوان
 عصايتيه فيها الأمان وشياكتيه ف البيبه
 ومباح يا ست الملاح وألا ماهواش مُباح
 قبل إن تقولى انفتاح .. تتفلي م البيبه

يوسف أفندي

عمنا يوسف جاب لنا يوسف لكن بيه
 طول عمـرنا عارفينه أفندي
 بس سي يوسف خـلاه بيـه
 أصل اليوسف أفندي بتاعنا كله عكار من طمي النيل
 أما اليوسف بيه فلإنه جده سي عذرا ومامته راشيل
 والمستورد طبعاً عارف إننا شعب نزيه وأصيل
 قام نيلها بعز النيله وقال تسعيرته ثلاثه جنيه
 أصل اليوسف أفندي بتاعنا طبعاً غير اليوسف بيه

لحمة الفساتين

وغلبيت لحمة الدكاكين
 ورخصت لحمة الفساتين
 وشفت الوسط متحزق
 وشفت الجيبه بتلزق
 وواحد صاحبي له مبدأ
 يبسأل هوه مين على مين ؟
 جاوبته دي آخر الصيحه
 وفكر العالم الناصحة
 لهن حرية الفتحة
 ولك حرية التدخين
 وشوف حرية المرأه
 وشوف الدعم ع البروتين
 بلا لحمه بلا فهقه
 كفايه يدعموا النساوين
 فشكرا سيدي التموين

بزازة

منك الله ياللي بليتنا بيستوع تمثال الحريره
 خليتهم ماسكين رقبتنا يا حبال مجدوله بحنيه
 علمم بزازة تسكتنا سموها سلام البشريه
 خلونا ضحكنا ونكتنا وأتاريها مجرد تسميه
 خدوا منا الأرض اللي حليتنا وقالوا لنا الرك على النيه
 فسلام لفظا حل أمتنا وسلام لسلام الحراميه

توليفه

صباح الفل يا وظيفه
 صباح العدل والمساواه
 جيوبنا قد إيه نضيفه
 وقربنا نقول لله
 نسينا الضاني والنيفا
 وكلنا العدس وعشقناه
 وكان الفول بتعريفه
 ودلوقتي بنحفه وراه

حنيه ما يجيب لناش ليفه
 وخمسين ما يداوش الأه
 نشوف للشقة تصرفه
 تزيد الكهـربا المعناه
 يا خلق شوفولنا تولىفه
 تعالج حُمة المساواه

شعارات

لأن الحلوه بتدور على العمارات
 وقولة الحق بتزور وأنا شحات
 معايه شهاده جامعيه وممضيه
 وأكل الفول وطعميه ف جسمي رقات
 عقدت العزم والنية على جوازه
 لقيت الكل بيدور على الدولارات
 لا أصل يهم ولا معدن ولا أخلاق
 كلام أسيادنا أجدادنا طلع شعارات
 ما عدش لا حب ولا عاشق ولا مشتاق
 لأن الكل في زمن الفلوس أموات

طنش

فـرفـش و طـنـش عـيش بـلاش
 و إنـشـالـلـه عـن ابـنـك مـا عـاش
 خـلـي الـدولـار يـضـرب لـفـوق
 إنـعـاش جـنـيـهـك لـازمـه شـاش
 و مـنـين نـجـيـب مـسـتـشـفـي ذوق
 تـدي لـأمـرـيـكـا الطـنـاش
 جـرب تـدوق مـن كـاسـنا دوق
 يـمـكـن نـفـيـوق مـ الإنـتـعـاش
 لـتـجـيـبـلـنا يا ابا الشـروق
 لـتـسـيـبـنا واطـلـع عـ المعـاش

مصمصه

يالـلـي إختـرعـتـوا الخـصـصـه
 فـين النـوـايا المـخـلـصـه
 لـيـكـو الفـراخ و الفـخـفـخـه
 و إحـنا اللـي لـينا المـصـمـصـه

إنتو كروشكو متنفخه
 وإحنا جتتنا معصصه
 واللي يقول دي مسلخه
 له بندقية مُرخصه
 نرجو فضيله المشيخه
 يرفض سيادة القصة
 لأن أرض الأوليه
 محال هاترقص بالعصا

أراجوز

محظوظ سيادتك وإنته مش أراجوز
 محظوظ حقيقي لو مشيت ع الحبل
 أما إن بدأت الصوصوه يا عجوز
 رقبة جنابك هتلاقيها ف حبل

محكمه

هتشوف مصايب بين بنين وبنات
 وحاجات تشيب محكمه جنايات

إياك تصدق أي حد يقول
إحنا بقينا مسلمين خواتمات

مسؤول

لو يجري ريقك ع الحقيقه كدبه
إقطع لسانك أو بسرعه أدبه
مسئول ف مديتنا بجد نضيف
ها تعمل إيه لو يوم فتحك مكتبه!؟

طبيعه

حلق يا قلبي وطير خليك على طبيعتك
عايزك تكون إكسبير وتغير على حبيبتك
الحب حلو جميل له بدايه ونهايه
إبس يا قلبي حرير وإدخله مقبرتك

جنون

بجنون باحبك يا حيااه بجنون
بحب فيكي الشكل والمضمون

وعندى كلمه نفسى أقولها لك
مش لاقى فيكى أي شئ مضمون

قصور

وإحنا كده عايشين في أزهى العصور
عصر النجوم والعلم عصر النور
شفت القصور مقفوله ما فيهاش بشر
ولحت ناس تانيين بتسكن قبور

ع الورق

الله يا ليل لما تشق النيل ده شق
وأشوف قمر سكتناه أميره تنعشق
والشوق مباح والحزن مكسور والجناح
أه . أه لو يكون الحلم دا مش ع الورق

شبح

السجن مش أسوار ولا قضبان
السجن مش جلاد ولا سجان

يمكن طوفان . بركان . شبح . يمكن
وشيء عجيب إنه إتبنى ف إنسان

رزق

النيل جميل والقمر بالضي ييشاغله
والرزق ملو الشبك ومراكبي ييسحايله
شديت معاه الشبك عشمي في أكلة سمك
لقيت صفيح وإزاز وشوال وكيس نايلو

سباق

فوت يا بن آدم وعدي ع الحزن لازم تفوت
دي فرصتك للتحدي حقك تمل السكوت
سابق في شارع ف حاره أو حته جوه الزقاق
إزاي ما فكرتش إنك بالسعره ممكن تموت

اللغه

لكل واحد لُغه وأهد لو فهمنا اللغات
مش شرط تبقه اللغه بين البشر كلمات

أصعب طريق تعرفه . أسهل طريق تمشيه
ما أعرفش إيه اللى فىنا بيلخبط الإشارات

حرير

يا اللى إفتكرت الكون كذا مالهوش كبير
وإنك كبير بالقصر ويلبس الحرير
من قدرة الله العظيم زيك خلق
مخلوقه سكنت شرنقه من دا الحرير

بزازات

بأسمع كتير عن بنت ضربت أمها
وولد قدير . ناكر حنانها وفضلها
با عجب لقيت شاعر مُهان مُستهان
قال دول ولاد البزازات مش صدرها

أتوبيس حياه

أتوبيس حياه والبشرم الحرفيه مخنوقين
مولد . وإيه يا جدع . شيب زحامه الجنين

ما أعجيب من أي واحد . قادر يطيق الزحام
وأعجب ف وسط الزحام من بلوة المدمنين

ملل

شايفك يا نيل زعلان وكأن فارقك حبيب
قولي وفضفض يا نيل والا أجيب لك طبيب
بعد ساعات م الملل تعبت م التفكير
أنا قلت أسد المجاري يمكن ساعتها يطيب

الدعم

بسأل رغيف العيش إيه المشكلة بالضبط
قاللي عشان ما تعيش محتاج لضبط وربط
بيقولوا إني غليت وماجاز عليه الدعم
وتشوفني مهما غليت برضه بياكلني البط

خانمہ

تتـشـال حـروفی وتتـسـهـبـد
وأکـسـتـب سـطـور ملهـاش عـدد
أرجع أشـسـوفک من جـدـید
أتمنى أكـسـتـب لـلأبـد..

الباحث عن الحب
وائل سويدان

الشاعر فري مطور

• وائل السيد سويدان

- * مواليد سمنود .. عام ١٩٦٦
- * حاصل على بكالوريوس الخدمة الاجتماعية ١٩٨٧
- * عضو في العديد من الجمعيات الأدبية
- * شارك في كتابة أغاني وأشعار أكثر من عرض مسرحي منها :
- * أغاني مسرحية حدوتة ملتوتة « فرقة الغد للعروض التجريبية » عام ١٩٩٨ م.
- * أشعار العرض المسرحي « على الأبواب » فرقة ومضة لعروض خيال الضل والأراجوز عام ٢٠٠٥ .
- صدر للشاعر :
- ديوان دوقى نارى طبعة أولى ١٩٩٥ م.
- تخيلى طبعة أولى ١٩٩٦ م.
- دوقى نارى طبعة ثانية ١٩٩٦ م .
- أسرك حرية طبعة أولى ١٩٩٦ م.
- مراسلات الشاعر
- الغربية - سمنود - ١٣ شارع زيدان من ش فلسطين .
- م/١٢٧٧٥٩١٩٨ - ١٢٣٧٤٠٤٧٥ .
- هوت ميل / TAFANEEN-2005

فهرس

رقم الصفحة

رقم الصفحة	اسم القصيدة
٥	حبيبتي حريتي
٧	جنون
٩	دو، ري، مى
١١	إشارة مرور
١٣	وأبدل
١٥	ليلة دخاتك
١٧	نهار مؤجل
١٩	نقطة جدل
٢١	ستائر ليلي
٢٣	عقبن
٢٥	فى لحظة
٢٧	سندوتش
٢٩	مكبل بالسكوت
٣١	كشيت ملك
٣٣	مسقط النور
٣٥	محكمة ما اعرفش
٣٧	هامش عمار
٣٩	إسضافة
٤١	أبيض وأسود
٤٣	المحطة
٤٥	عقدة عقل
٤٧	عصافير الجنة
٤٩	إقامة جبرية
٥١	بنتوه ساعات
٥٣	حالة
٥٥	بـراح عنيكى
٥٧	إعدام
٥٩	ضهرك المحنى

رقم الصفحة

إسم القصيدة

٦١	الريشيه والألوان
٦٢	رقصة الحياة
٦٥	جراحة تجميل
٦٧	شلال نضفى
٦٩	قلبنى إنخطف
٧١	خبر عاجل
٧٢	لين عظام
٧٥	مريمية
٧٧	لبنى قلبى الشهادة
٧٩	بين الضحك والنههه
٨١	خمسة وخميسه
٨٢	القلة والأبريق
٨٥	عاشق كسول
٨٧	دبل الياسمين
٨٩	ضل الدموع
٩١	جبيرة مستحيل
٩٢	طلاسم
٩٥	بين الضلمه والضلمه
٩٧	أغروكى بالتجربة
٩٩	آخر الكلمات
١٠١	كبح الغضب
١٠٢	فوانيس رمضان
١٠٥	مجرد اسم
١٠٧	ضبط وإحضار
١٠٩	حسنى الليل
١١١	جسور الصمت
١١٢	قصا قيص